

اسلام گزینی

مغاری : « دینی برقیات ، حیاتی برقیہ » در .

پیل ۱ - صیائی ۹
۱۰ رجب ۱۳۳۲
۲۲ مایس ۱۳۳۰
مدیری : حلیم ثابت

قرآندن مقصود معانی آیاتی درك و موجبنجه ایتاظ اولدیغنه حضرت محمدك تراویحی سبب تطویلی جلی بردلیل دکلیدر؟ ..

باخصوص بومسروقات ، نمازده کی قرائت مفروضه حقنده در . یاخطبه که بعضی رایه کوره بش زکندن مرکبدر : حمد ، تصلیه علی الرسول ، وصیه بالتقوی ، بر آیت مفهمه قرائتی ودعا ، زکندن اوجتجی ودردنحیسی لسان مخاطبینک غیری ایله نصل قابل تطبیق اولور ؟

مادام که قول امامینی اخذایدیورسکز امامین خطبه حقنده « لاتیجوز الابلفظ مؤلف به » دیورلر . تألیف قلوب ، آکلاشلیان برلسان ایله ممکن اولورمی ؟ ممکن اولر ایسه تألیفه معلق اولان جواز ، بدون وجودالشرط هانکی طریق شرعی ایله ثابت اولور . بورایه کوره عربینک غیری برلسان ایله عربینی آکلامایانلر خطبه فاسد اولق ایجاب ایدیور .

اگر امامینک عینی مسأله نك برفرغنده برزائی اخذ ، دیگر فرغنده دیگر رأیی ترک ایدیله جك اولورسه حنفیه نك آرادینگی شرط تلفیقه تماماً معارض اولمازمی ؟

ایسته بومسأله ده منافع انامدن ، حاجت ناسدن ، بلوای عامه دن بحث ایتیموب بالعکس یالکز متون فقهیه ده مصادف اولدیغم احکامك تقلیه اکتفا اولوندی ..

محمد بهاء الدین

بارس

سلام

خاتم الانبیا حقنده آیات توراتیه

بویابده کی آیتلرک دوغرو تفسیر وایضاحی

مفترت رانیالک « سفر » نده محمد علیه السلامك بعثتی خبر دیریلور :

انبیاء مطهره دن اولان [دانیال] علیه السلام ایله بعضی کلیسالرجه ده « عزیز » Saint, Sanctus ، طانیلان [قونستانینوس] ک آره سنده سکز عصر بوقدر

بر فاصله وازدر . یزانیس ایمپراطور لایله برابر خرنسیتیانلنگک مؤسی اولان
بو حکمدار حقدمه دانیال پیغمبرک غایت مهم بر اخباری انظار قارینه وضع
ایتمک ایسته یوزم .

حضرت دانیال ، قونستانطینوسک الله متعال علیهنده سویله یه جکی «بیوک
سوزلری ، یعنی کفریاتی واللهم سوکیلی لری اولان موحدینه قارشى اجرا
ایده جکی مظالم وتضییقاتی ، ایام و اوقات مقدسه ایله بعض نصرائیت احکامک
تبدیلنه تشبث ایله یه جکنی و قیله خبر ویرمشیدی . اوت مستقبله محدث ایده جک
بر وقعه یا خود کله جک شخصه عائد اولان بر خبر نبوینک تفسیر و تأویلی پک
کوچدر . فقط اخبار مذکوره عینیه وقوعه کلیرسه اوتینک صدقه و طوغرولغه
دلالت ایدر .

شیعی حضرت دانیالک وحی صورتیه بویاده تبلیغ ایتدیکی سوزلری
[بایبل شرکترینک ، ترجمه سی اوزرینه :] عیناً نقل ودرج ایده لم :

بوندنصره کیجه خیالاتنده کوردمه قورقولو وهیتلو وغایت قوتلو بر
دردنجی جاناوار وار ایدی . بوتک بیوک تیمور دیشلری اوله رق یه ر وباره لر
وقالاتی ایاقلریله چیکر ایدی وکتدیسندن اول اولان جاناوارلرک هیچ برینه
بکره من ایدی واون بوینوزی وار ایدی . بن بوینوزلره دقتله باقار ایکن ایسته
اونلرک آره سندن کوچک بشقه بر بوینوز چیقدی وآنک او کندن اولکی بوینوزلردن
اوچ دانه سوکلدی وایسته بو بوینوزده انسان کوزلری کی کوزلر و بیوک سویلیان
آغز وارا ایدی . بن باقمقده ایکن تختلر قوریلوب کونلری قدیم اولان جلوس ایدی .
آنک الیه سی قارکی وباشنک صاحی پک پیاغی کی ایدی . تختی آتش علوی
وتکر لکری یانار آتش ایدی . آنک او کندن آتش ایرماغی چیقوب اقرار ایدی . آکا
بیکلرجه بیکلر خدمت ایدر واون بیکلرجه اون بیکلر آنک حضورنده طور و زایدی
ودیوان (لسان اصلیده «دینا» دین) قورولدی وکتابلر آچلدی . اول وقت
او بوینوزک سویلیدیکی بیوک سوزلرک سسندن طولانی باقدم وبن باقمقده ایکن
اول جاناوار قتل اولوب جسدی آتشک علویه تسلیم اوله رق تلف اولدی .
واولر جاناوارلرک حکومتی انلردن آلتدی لکن بر زمان وبروقته قدر انلرک عمرلری

تمديد ايدى . كيجه خيالاتند كوردمكه سمانك بلوطلرئده ابن انسانه بکزر
برى كليوز ايدى وكونلرى قديم اولانه كاذى و آنى آنك خضورينه كتورديلر .
واكا حكومت (لسان اصليده « شلطانا » يعنى سلطانلق) وعزت وملكوت
ويرلدى كه ججه قوملر وملتلر ولسانلر اكا خدمت ايدملر . انك حكومتى زوال
بولماز ابدى برحكومت اولوب ملكوتى بوزولماز . [دانيال ياب ۷: آيت ۷-۱۴]

عجبا علمای اسلاميه حضرت دانيالک بو « رؤيا » سنى هيچ اوقوديلرمى ؟
عجبا مفسرين حضراتى دانيال پيغمبرك كتابى مطالعه ايتديلرمى ؟ عجبا مدارس
اسلاميه ده تدريسات دينيه ايله اشتغال ايدن درسعام اقديلن حضراتى تورات
كتابلرنده كى بوحقايقى تدقيق ايتديلرمى ؟ عجبا دارالفنون عثمانيده علوم عاليه
دينيه شعبه سنده توراتك بوكى نقطه لرني تتبع ايدن بر معلم وارمى ؟ بوسؤاللرك
جوابى بالطبع منفي اوله جقدر . چونكه مسلمانلر نه توراتك لسان اصليسى
اوقويوب معنوياتى ادراك ، نه ده صاحبه صاپان طرزنده كى ترجمه لردن برشى
آكلايه بيلمشلردر .

بن ، السنه عبرانيه و آراميه وبالخاصه تورات اوزرنده كى تدقيقاتم نتيجه سنى
اوله رقى ؛ مخرفيته رغماً توراتك سراپا بعث نبويه نى تبشير ايله دولو اولديغنى
سويلاه بيليرم ؛ بوحقيقتدر كه قابل اعتراض دكلدر . بونى آكلامق ايچون كتب
توراتيه لسان اصليرنده تدقيق و تتبع ايدمليدر . پروتستانلر ايله قتوليكار طرقدن
ترجمه ايديلن نسخ توراتيه قطعاً لسان اصلى نى افاده ايتيورلر . بوتلره اعتبار
ايتمك اصلاً جائز دكلدر .

شيمدى اصل موضوع بمحضر اولان دانيال پيغمبرك اخبارات نبويه سنه عودت
ايدملم : حضرت دانيال عليه السلام ، ميلاددن بشيوز اللى سنه اول بابل شهرنده
كورمش اولديغى بومهم رؤياني كتابنك يدنجى بابنده يازيور . بورؤيا برملك
طرقدن شويلاه تاويل ايديليور : « اوملك بويلاه سويلدى : — دردنجى جانوار
زمينده دردنجى حكومت اولوب حكومتلرك هيچ برينه بکزمه ميه جك وبتون زمينى
بيه جك وانى چيكنيوب ازه جقدر . واول اون بويوز اول حكومتدن ظهور ايدميه جك
اون ملك اولوب اونلردنصكره ديكر برى ظهور ايدوب اولكيلره بکزمه ميه رك

اوج ملكى هلاك ايدە جكدرد. و متعاليه قارشوسوزلر سويله جك و متعاليك مقدسلارنى تضيق ايدە جك و وقتلر ايله قانونلرى تبديل ايتكى دوشونه جك و مقدسلر زمان و زمانلر و نصف زمانه قدر انك الله تسليم اولونه جكدرد. لکن ديوان (لسان اصليده دينا، دين) قوريلوب حكومتى التدن الهرق نهايتهك خراب و محو ايديله جكدرد. و ملكوت ايله سلطنت و بتون سما اتنده بولنان حكومتلر عظمى متعاليك مقدسلرى اولان قومه و يريله جك. انك حكومتى ابدى حكومتدر و جمه حكمدارلر اكا خدمت ايدوب مطيع اوله جقلوردرد. [دانيال ۷ : ۲۳ - ۲۷]

پورۇياده برى برينه بکزمه ميان ويکديکرىنى توالى ايدن دوت هيتلى جاناور، الله متعاليك يريوزونده کى سوکيلي لرىنى و مؤمنين و موحدىنى پاره لهن ازن و ييهن دوت مشرک حكومتى تمثيل ايدىوزلر اولورده کلدان، ايران، يونان، و روما حكومتلرندن عيارتدر. اون بوينوزه مالک دردنجى جانوار، الله تعالىنک سوکيلي لرىنى، يعنى وحدت الهىنى انکار ايمهين عيسوى موحدلرى تضيق و شهيد ايدن. وکليساالرجه دخى مصدق اولدينى وجهه - اون غدار روما ايمپراطورينه دلالت ايدر.

في الحقيقة نصرانيت عالمى بيوك قونستانطينوسه قدر اون قدريوك اعتساف و قتل عامه دوچار اولمشيدى. ايشته بنم فکريمه کوره بواون بوينوزدن صوکره و جاناورارک باشنده حصواه کلن ديکر بر بوينوز ايسه بويوك قونستانطينوسدن باشقاسى اولماق ايجاب ايدر. چونکه قونستانطينوسك ۳۲۵ تاريخنده ازنيقده طوپلادىنى مجلس عموميده ويزديرديكى قرارلردن کنديسك اون برنجى بوينوز اولديغنى کوستريور. چونکه اون برنجى بوينوز «متعاليه قارشى سوزلر سويله يه جك، و متعاليك مقدسلرى تضيق ايدە جك، و قتلر ايله قانونلرى تبديل ايتكى دوشونه جك و مقدسلر زمان و زمانلر و نصف زمانه قدر اوکاتسليم اولونه جكدرد. ايشته قونستانطينوس ده تماميه بويله ياپدى. وحدت الهىنى معترف بولنان آريوس ايله بتون رؤساي موحدىنى تضيق و قتل ايتدى و کلام توحيدى تبشير ايتمش اولان حضرت عيسى بي تاليه، ايام و اوقات مقدسه ايله احکام شرعيه بي تبديله قالقيشدى؛ بايراغنى صليه قلب ايدوب ووقيله معبودى اولان

کره شمس، تخصیص اولنان بازار کوتی سبت یرینه اقامه ایتدی؛ بوظالم، هریرده موحدری قهر وتنکیل ایدن و کلیسای یقجیلق و قیریحیلق اساسی اوزرینه تأسیس ایدن قونسطنطینوس دکله عییا کیم اوله بیلیر؛ ۳۲۹ تاریخ میلادیستده، بو حکمدار، رسماً خرسیتیانلغی حکومتک دینی اولق اوزره اعلان ایتدی کلیساری پاریه و اراضی و هدایای سائره غرق ایتدی. تابدیغی کونش رسمی اوزرینه وضع اولنان صلیبی بتون محرابلر اوزرینه رکز ایتدردی. بوتاریخدن سوکرا کلیسا بر مؤسسه دنیویه، صرف بر حکومت جسمانیه به منقلب و خرسیتیانلغک اواسکی روتق و صافیتی قدیم رومالیرک دین باطلیه قاریته روق نابدید اولغه باشلادی. کونش آله سنک ایکی پیرانی کوچک و بویوک پانتالیا عنوانی تحتده هویت وزمانی محافظه ایتدی. او تحت الارضده کی مقبره لرده او « قاتا قوما » اختفا کاهلرنده عزلت نشین اولوب صلاة و تقوی ایله اشتغال ایدن بعض موحدرک کله توحید اوغورنده شهید اولان او پیران عیسویه تک خلفاری « کاهن اعظم » Pontifex Maximus یا خود دها طوغروسی « بیوک کوپری یا یجی » عنوانی طاشیمغه هوس ایتدیلر. ایلک ثروت و ساماته مالک اولان پاپا، مسیحک قویونلرینه آرتق ناصل چوبانلق ایده بیلیردی؟ بومطالعینی تصدیقاً مشهور ایتالیان شاعری اولان [داتی] نک بر شعری آرز چوق خاطرمدده در. قوه حافظه مه کوه نه مدیکمدن طولای - یالکز مألینی عرض ایدیم:

« ای قونسطنطینوس » سنک اهتدا که برشی دییورم: آنحق بدبخت آنامز کلیسانک حاتی دوشوتیورم؛ چونکه ایلک بابامز (پاپا) اونک دراخوما-تی سنک کی آدمدن آله رق زنکین اولدی « دییور ».

اولا صلیبی اردو سنجاقلرنده علامت قهر و حرب ایتک، سوکرا مرشد عیسویت اولان روما قسیسلرینی « کاهن اعظم » و قرال یا پماغه قالدیشیق ... بوتون بو حال حضرت عیسی نک مسلکته مغایر بر حرکت دکیدر؛ شیطان، مسیحجه دیمشیدیکه اگر بکا مطاوعت ایدرسهک بشون دنیانک مال و سلطنتلرینی سکا ویره جکم. فقط مسیح اونی رد ایتمشیدی.

روما پاپسی قوستنطینوسه مطاوعت ایدرک روما قرالی اولدی . حالبوکه حضرت مسیح قوشلر ایله تیلکیلر قدر اولسون بریورده مالک اولدیغنی کندیسی سویله یور .

بتون بی طرف مؤرخین نصاری - کلیساک بورزالتی ارتدادیخی سویلیورلر حتی ببتون بی طرف اولان مؤرخلر، مثلاً [گبون] Gibbon دن (مایرس)ه کلتیجه قدرهپ بوفکرده درلر . لکن مؤرخین ومدیقین نصاری ، تورات واسفاردیه کی اخباراتک هدف ونشانکاهی کویا یالکز حضرت عیسی اولسی لازم کلدیکنی دوشوته رک ، حالبوکه بونلرک بعضلرندم حضرت عیسی بی کوره مدکلرندن یا کلش اوله رق یووادیده کی ایتلری رده قالقشیدیلر . فقط خاتم الانبیا محمد مصطفی صلی الله علیه وسلم خاطرلرینه بیاه کلدی . آزیجق نظر امعان وایمان ایله باقیسه ایدیلر ، رده قالقشیدیلر بعض آیات توراتیه نک محمد علیه السلامه موافق کلهرک تفسیر وایضاحی آکلامقده کوچاک چکمز لردی . ایشته بوزاده ده بویله .

دانیال سفر نک « مقدسلر زمان وزمان ونصف زمانه قدر اونک الیه تسلیم اولونه جقدر » آیتندگی « زمان » لسان توراته کوره بر عصر دیمک اولوب « زمان وزمان ونصف زمان » ایکی بوچوق عصر ایدرکه قونستانقینوس دوری ایله بعثتک آراسندهده یوقدر زمان کچمشدر وحقیقتاً تحت تضیقده بولنان بوتون موحدیلر بوندن بویله قورتولشلردر . چونکه حضرت دانیالک سفرندم بویوردیغی کی « کیجه خیالاتندم کوزدم که سبانک بولوطلرندم ابن انسانه بکزر بری کلوردی وکونلری قدیم اولانه کلدی و آتی اونک حضورینه کوتوردیلر . واکا حکومت وعزت وملکوت ویریادی که جمله قوملر وملتلر ولسانلر اوکا خدمت ایدیلر . آنک حکومتی زوال بولماز ، ایدی برحکومت اولوب ملکوتی بوزولماز . [دانیال : ۷ : ۱۴] اشته بوذات فخرکائنات اقدمز حضرتلری ایدی . چونکه قوستنطینوسدن ایکی بوچوق عصر صوکراملک ، عزت ، رسالت هپ فخرکائناته ویریلوب عالم انسانیت سعاده ونجاته دوغرو یوزومکه باشلامشدر .

عبدالرحمن